

АКАФИСТ СВЯТОМУ ПРАВЕДНОМУ АЛЕКСИЮ, ПРЕСВИТЕРУ МОСКОВСКОМУ

Кондак 1

Избранный угодниче Христов и великий в скорбех помощниче, праведный отче Алексие! К тебе яко к теплому предстателю мы грешнии со дерзновением притекаем и умильно взываем: умоли о нас всесильнаго Бога, не попусти нам блуждати по распутиям греховным, но просветите и наша сердца духом твоея любви, да зовем ти: Радуйся праведный старче Алексие, утешителю благостный.

Икос 1

Ангелов Творец яви в рождении твоём молитвенное заступление святителя Филарета, егда не могущу матери разродитися тобою, родитель твой притече к нему, и того молитвою явлен был еси в мир сей во время совершения Божественныя Евхаристии, показуя тем, яко будещи великий служитель таинств церковных. Сего ради взываем ти: Радуйся, святителем Филаретом благословенный и воспитанный; радуйся, от пелен того подвижническому житию научивыйся. Радуйся, отрасль родителей пречестных, плод благий принесшая; радуйся, яко издетска гласом своим Бога прославлял еси. Радуйся, благоговение и любовь ко службам Божиим от отца унаследовавый; радуйся, от матери твоея странноприимство и попечение о ближних восприявый. Радуйся, ущеса своя к пению церковному от рождения приклонивый; радуйся, во еже не видети суеты, очеса своя в горняя вперивый. Радуйся, праведный старче Алексие, утешителю благостный.

Кондак 2

Видя человеколюбец Господь широту сердца твоего, готоваго послужити ближним своим, яви в благословении матери твоея волю Свою, да будещи не врач телес, но пастырь Церкви Христовы, врачуяй души притекающих к тебе, тем же вси людие, видяще образ добраго пастырствования твоего, воззовут Богу: Аллилуиа.

Икос 2

Разумом Божественным просвещен, узрел еси путь спасения во отсечении воли своея, егда поставлен был еси причетником во храм Богоматери, с велиим терпением восприял еси суровство начальствующаго, и тако возрастил еси в сердце твоём плод Христова смирения. Многолетнее твое терпение славяще, возглашаем ти тако: Радуйся, послушниче усердный; радуйся, яко Богу работал еси неленостно. Радуйся, укoreния и поругания яко Божие изволение восприявый; радуйся, осуждати и укоряти других всегда избегавый. Радуйся, поучавый обличающих нас яко благодетелей почитати; радуйся, призывавый ради блага ближних своих себе утесняти. Радуйся, благим супружеством своим и нам образ

честнаго брака явивый; радуйся, в супружнице твоей добраго помощника на пути Христовом обретый. Радуйся, праведный старче Алексие, утешителю благостный.

Кондак 3

Сила Вышняго обрете в тебе сосуд честен и по посвящении во иерея продолжайте вести тя чрез горнило испытаний. Служил бо еси не в веси дальней, якоже хотяше, но во граде Москве, в церкви малаго прихода, ид еже осемь лет богомольцев не имев, николиже возроптал еси. Ныне же предстоиши со дерзновением Престолу Божию, поя песнь: Аллилуиа.

Икос 3

Имея тщание к совершению служб церковных, на кийждо день служение Божественная Литургии учинил еси и к покрову Богоматери и заступничеству святителя Николая прибегая, весь путь жития твоего молитвою озарил еси. Сего ради воспеваем тя сице: Радуйся, служителю алтаря ревностный; радуйся, яко бодрствовал еси в молитвенном подвиге непрестанно. Радуйся, в Бозе все упование твое полагавай; радуйся, в долгих испытаниях непоколебим пребывый. Радуйся, яко крест на перси прияв, сраспинал еси Христу плоть свою со страстями и похотьми; радуйся, яко получив епитрахиль на выю свою, Дары Духа Святаго неоскудно источал еси. Радуйся, яко поясом препоясав чресла своя, заутро на нивы делания Господня изшел еси; радуйся, яко взявся за рало Христова, не направлял еси вспять стопы твоя. Радуйся, праведный старче Алексие, утешителю благостный.

Кондак 4

Бурю моря житейскаго, сластолюбием, злобою и гордынею волнуемаго, всем житием твоим научал еси преплывати в кораблеце покаяния, да и мы, являя живую веру и трепетную любовь ко Господу, сподобимся воспевати Ему и на небесех песнь хвалебную: Аллилуиа.

Икос 4

Слыша о богоугоднем житии твоём, начаша прибегати к тебе ищущии спасения, обретая в тебе чадолюбиваго отца и утешителя, ты же неленостно поучал еси к покаянию и служению ближним самоотреченному. Тем же и нас, якоже и чад твоих, научи истинному деланию на пажитях душ наших, да славим тя благодаряще: Радуйся, в век оскудения благочестия несокрушимым сосудом веры явивыйся; радуйся, неленостным проповеданием в обмирщенная сердца семена благих деяний сеявый. Радуйся, глашатаю любве Божия всем скорбящим и отчаявшимся; радуйся, ожесточенных злобою любовию своею к покаянию обращал еси. Радуйся, научивый в живущих с нами образ Божий почитати; радуйся, призывавый почивших неустанно поминати. Радуйся, не отревая немощных, им по силе их делание полагавай; радуйся, в постоянстве малого делания залог ду-

ховного возрастания указавый. Радуйся, праведный старче Алексие, утешителю благодный.

Кондак 5

Звезда еси, на небесех святости возсиявшая, светиши светло, в сонме праведных и исповедников российских землю нашу просвещая, тем же, зряще тя, праведный отче Алексие, прославляем прославльшаго тя Господа, зовуще Ему: Аллилуиа.

Икос 5

Видя обильным любовию сердцем своим окрест тебе в нищете живущия, подавал еси им, елико имяше, уповая, яко не оставит Господь и дом твой. Дажь и нам стяжати сердце милосердное и научи ны невозбранно внимати воле Божией, да восхваляюще глаголем ти сицевая: Радуйся, Христа возлюбив, не прилеплялся еси к сокровищам земным; радуйся, яко великий купец небесное богатство стяжал еси. Радуйся, милосердием души наша обогащати научая; радуйся, некрадомое богатство душам верных испрашая. Радуйся, светом трисолнечным сердца человеческия просвещая; радуйся, выну о пользе душевной пекийся. Радуйся, рачителю целомудрия; радуйся, хранителю чистоты. Радуйся, праведный старче Алексие, утешителю благодный.

Кондак 6

Проповедал еси пастве своей покаяние и вкушение бессмертных трапезы Агнчи, да не взалчут более страстей, но восприимут мир и любовь Христову и поучаются любити ближних своих с самоотвержением и утеснением себе, да благо им будет, и да взывают радостно: Аллилуиа.

Икос 6

Возсиял еси в первопрестольнем граде Москве глашатаем жизни неветшающия, древним отцем, в пустынях подвизавшимся, равный; людем, в суете пребывающим и различными злоучении прельщаемым, открывал еси любовь, милосердие и правду Божию. Таковому о тебе произволению Божию дивящися, вопием ти: Радуйся, неустанный проповедниче любве к Богу и ближним; радуйся, яко вслед за Апостолом наставлял еси друг друга тяготы носити, Радуйся, во граде яко в пустыни живой; радуйся, пустыню града, богатством слез твоих оросивый. Радуйся, яко пожил еси в мире премирно; радуйся, яко и на земли выну предстоял еси Христу. Радуйся, ожесточенная сердца теплотою твоея любве возделавый; радуйся, и ныне помогаеши страждущим душевный покой обретати. Радуйся, праведный старче Алексие, утешителю благодный.

Кондак 7

Хотя человеколюбец Господь поставити тя в трудную годину утешителем скорбящих и страждущих, посла тебе скорбь великую в тяжкой болезни и смерти супружницы твоей, да ничто уже земное не связует сердце твое, но да приложиши к ревности ревность и примемши благодать на благодать, научая пети всех: Аллилуиа.

Икос 7

Новый путь духоноснаго старчества на стогнах града Москвы яви тебе Господь в словесех праведного Иоанна, пресвитера Кронштадтскаго, указуя, да восприемши всю скорбь человеческую яко свою, молитвою и теплотою любви сию врачуя. Тем же и наша скорби отыми от нас, да радуяся взываем ти: Радуйся, благодать кронштадтскаго Свещника обильно восприемый; радуйся, яко врач искусный душ человеческих явивыйся. Радуйся, вставший на страже скорбных сердец человеческих; радуйся, от обращавшихся к тебе именование добраго пастыря стяжавый. Радуйся, заблудших овец к Пастыреначальнику приводивый; радуйся, от волков хищных тех неврежденно сохранивый. Радуйся, яко широтою любви твоея всех объял еси; радуйся, яко надежду на Бога полагаши научал еси. Радуйся, праведный старче Алексие, утешителю благостный.

Кондак 8

Странноприимная деяния совершати тщашеся, учинил еси при храме приют чадом, не имущим родителей, назидая их словом и житием своим, да возрастая в благом попечении и любви, благодарственно воспевают Богу: Аллилуиа.

Икос 8

Весь еси, праведный отче Алексие, николиже суетою связанный, посреде людей пребывая, выну Богу предстоял и работал еси. И нас, в суету погруженных, научи твоему в мире премирному житию, да усердно тебе воспоем: Радуйся, детскую младость души твоея сохранивый; радуйся, тою младая сердца к Богу приводивый. Радуйся, явивыйся сиротствуем чадолубивая мати; радуйся, порождаяй души чад своих духовных для вечнаго живота. Радуйся, презряднейший пастырю; радуйся, яко от скверн мира сего ограждатися чад своих научал еси. Радуйся, чтущим тя верный пред Богом ходатаю; радуйся, призывающим тя непреложное упование. Радуйся, праведный старче Алексие, утешителю благостный;

Кондак 9

Всем, притекающим к тебе в скорби, наставник изрядный явился еси, отче Алексие, подвизая людей к покаянию и самоукорению, терпению же в скорбех неистощимому, да за сие благодаряще, Богу поют: Аллилуиа.

Икос 9

Витийствующий язык умолча, зря како ты, старче Алексие, служение свое в простоте совершая и мудрость века сего посрамляя, всяку гордыню человеческую яко прах от лица ветра возметал еси. Сего ради похваляем тя сице: Радуйся, яко не хитросплетением словес, но силою правды Божия души призывал еси; радуйся, яко вознесенную гордыню века сего смирением сокрушал еси. Радуйся, словесы своими не крепость человеческую, но силу Божию являвый; радуйся, яко нестареющую мудрость евангельскую живу и действенну показавый. Радуйся, исполненный ревности по Бозе Вседержителе; радуйся, ревнителю уставов церковных. Радуйся, искусный властителю совести человеческия; радуйся, всем бе вся, да спасеши души, Богом тебе врученныя. Радуйся, праведный старче Алексие, утешителю благостный.

Кондак 10

Спасения от временных тягот поучал еси в переселении во сльвишия хлебородными земли не искати, егда глад, мор и междуусобныя брани постигоша страну нашу. Заповедал еси жительства своего не оставляти и восприяти трудности яко наказание Божие, за умножение беззакония попущенное, Богу взывая: Аллилуиа.

Икос 10

Стена непоколебимая упования на Господа явился еси, отче Алексие, яко скала крепкая сокрушая треволение житейское, малодушие и уныние в душах людей, к тебе прибегающих и с любовью зовущих ти: Радуйся, адманте веры несокрушимый; радуйся, узревший с богомольцы храма пред годиною бедствий, како лияше слезы Богоматерь на чудотворней иконе Ея Феодоровской. Радуйся, разделивый с народом российским скорби, Богом низпосланные; радуйся, глад и хлад приявый яко наказание Божие, Радуйся, злато в горниле скорбей очищенное; радуйся, надеждою на милосердие Божие страждущия души врачевавый. Радуйся, помощниче скорый; радуйся, призывающим тя в скорбных обстояниях щит и ограждение. Радуйся, праведный старче Алексие, утешителю благостный.

Кондак 11

Пение всеумиленное приносим ти, отче досточудне, прославляя блаженную кончину и погребение твое, молитвами первосвятителя и исповедника Тихона, Патриарха Всероссийскаго, напутствованное. Веруем, яко предстоиши в свете невечернем Престолу Пресвятыя Троицы, выну поя: Аллилуиа.

Икос 11

Светозарным светильником явился еси, даров Божиих исполнен и умножали таланты, яже даде тебе всех Бог. В житии бо твоём являл еси дары прозрения

и исцеления, подвизая нас глаголати тебе похвалы сия: Радуйся, яко от детских лет был еси Господу верен; радуйся, многих дарований от Него сподобивыйся. Радуйся, лучу благодати в мире явленный; радуйся, ризами света Христова одянный. Радуйся, помогий обрести сына отчаявшейся матери из града Тобольска, юже к тебе преподобный Серафим направи; радуйся, и ныне в трудных обстоятельствах о нас к Богу ходатаеши. Радуйся, прозорливостию и чудотвореньми люди в вере стояти утвердивый; радуйся, отеческим попечением и молитвою не имевший веры души к Богу обративый. Радуйся, праведный старче Алексие, утешителю благостный.

Кондак 12

Благодати исполнен, яко сосуд Духа Святаго избранный, породил еси духом многая чада твоя, да зряще житие их, окрест живущии уразумеют яко любовь в Бозе к ближнему залог мира и благоденствия есть, и тако благодарственно воззовут Богу: Аллилуиа.

Икос 12

Поюще житие твое и прославление, веруем, яко многомощно есть пред Престолом Владычним твое за ны ходатайство, мощи же твои сокровищем многоценным имуще, к ним припадаем яко к сосуду благодати неистощимому и согласно ублажаем тя: Радуйся, гражданине Иерусалима небеснаго; радуйся, благий наставниче, возрастивый в чадах своих преславных отцев. Радуйся, яко был еси на земли храмом живым, Господу посвященным; радуйся, яко предстоиши днесь Престолу Вседержителя. Радуйся, старцев оптинских собеседниче; радуйся, кронштадтского Светильника сомолитвенниче. Радуйся, яко община твоя образ бысть купножительства христианскаго; радуйся, яко чада твоя свидетельством кровей своих Христа исповедаша. Радуйся, праведный старче Алексие, утешителю благостный.

Кондак 13

О предивный пастырю и теплый о нас к Богу молитвенниче, праведный отче Алексие! Не отрини нас немощных, совершающих похвальное пение сие, и научи волю Божию невозбранно творити, да сподобимся и в будущем веке благодарственно воспевати Творцу и Богу нашему: Аллилуиа.

(Этот кондак читается трижды и затем икос 1 и кондак 1)